

per persunas d'instrucziun, mainascoulas e cussagls da scoula

Nr. 4 2023/24

Part generela

Instrucziun da nuder

Las arcumandaziuns valablas fin uossa in regard l'instrucziun da nuder e la chüra d'occurrentas da nuder tres persunas d'instrucziun sun gnidas missas our d'vigur. Sülle pagina d'internet da l'USS/AVS as chatta las novas prescripziuns.

[Ulteriuras infurmaziuns](#)



ChatGPT e scoula

La publicaziun d'üna versiun da test dal KI-Chatbot ChatGPT in december 2022 ho chaschuno ün'isteria illas medias socielas ed illas medias da massa. Suvenz vain dumando che consequenzas cha generatuors da lingua e d'intelligenza artificia hegian per la scoula. La professura 'Digitalisaziun e furmazium' a la Scoul'ota da pedagogia Schwyz (SAPSZ) s'ho approfondida illa tematica ed ho publicho sias valütaziuns.

[Valütaziuns davart ChatGPT & scoula](#)



Materiel supplementer New World 3-5

L'Uffizi per la scoula ed il sport ho prolungio il contrat da gestiun per la plattafuorma 'New World 3-5' culla Scoul'ota da pedagogia dal Grischun (SAPGR). Sün quella chattan persunas d'instrucziun scu fin cò materiel supplementer pels mezs d'instrucziun 'New World 3-5'. Per mincha unit staun a disposiziun: Additional and differentiating teaching material, Games and Songs, Grammar, Sample test exercises, Vocabulary.

Sülle plattafuorma Moodle as chatta las materialias per 'New World' suot 'Meine Kurse'. Per river sün Moodle stöglian persunas d'instrucziun e mainascoulas avair ün conto da

'Switch Edu-ID'. Switch es üna fundaziun chi spordscha servizzans dad IT per scoulas otas svizas.

[Dumandas davart Moodle resp. la plattafuorma](#)



[Video explicativ 'Moodle'](#)



Gruppas accompagnantas 'Digitalisaziun'

Las trais gruppas accompagnantas 'Digitalisaziun', chi's cumpuonan da persunas d'instrucziun da tuot ils ciclus da la scoula populera e da tuot las regiuns linguisticas dal chantun, haun salvo duos tschantedas daspö il cumanzamaint da l'an da scoula 2022/23. Zieva üna prüma discussiun tematica fich vasta lavuran ils commembers actualmaing vi da las cumpetenzas d'applicaziun. Prüms resultats chi dessian sustgnair l'instrucziun as po que spetter pel cumanzamaint da l'an da scoula 2023/24.

[Che sun cumpetenzas d'applicaziun?](#)



Gruppa accompagnanta 'Taliaun' primara

La gruppa accompagnanta 'Talian' ho publicho pels 31 schner 2023 la verificaziun la pü actuela.

[Verificaziun 'Taliaun' primara](#)



Barat da persunas d'instrucziun culla Scoula Svizra Milan

Il chantun grischun es il chantun da patronat per la Scoula Svizra Milaun. Suot la direcziun da 'educationsuisse' insembel cun Movetia survegnan persunas d'instrucziun dal Grischun la pussibilitad da piglier part ad ün 'Job-Shadowing' a la Scoula Svizra Milan d'utuon 2023. Il proget as drizza a persunas d'instrucziun e mainascoulas chi sun interessos da

gnir a cugnuscher ün oter sistem da scoula e da ponderer cun personas d'instrucziun sül lö davart realitads d'instrucziun novas.

Temp: 16 fin 20 october 2023

Cuosts: 250.00 francs per persona

Annunzcha: cul formular d'annunzcha fin als 24 avrigl 2023 directamaing tar la mnedra da proget Margret Scherrer (mscherrer@gmx.ch)

P.pl. remarcher: Il numer da plazzas es limito.

[Infurmaziuns 'Job-Shadowing Milan'](#)



[Annunzcha \(formular\)](#)



Luf tscharver-luf-uors

La Pro Natura pussibiltescha cun l'agüd d'instrucziun 'Luf tscharver-luf-uors, ils trais grands sun inavous' - chi sto libra maing a disposiziun - a las scolaras ed als scolars d'imprender a cugnuscher il möd da viver da nossas grandas beschas rapazzas. Ils iffauts imprendan, perche cha las beschas rapazzas tuornan, che bsögns ch'ellas haun, che rolla ch'ellas giovan i'l sistem ecologic e che cha lur derasaziun significha pels umauns. In quist connex vegnan tematisos eir ils conflicts, las imsüras da protecziun necessarias e differents puncts da vista. I'l sen da la furmaziun per ün svilup persistent (FSP/BNE) vain sainz'oter dat pais a la müdeda da perspectiva ed uschè al process da l'egna furmaziun da l'opiniun. Ils documaints sun concepies surtuot pel ciclus 2.

[Luf tscharver-luf-uors, ils trais grands sun inavous](#)



Dalet u arsantüna?

"Eau pudess gamer minchadi", "Vè, bavains aunch'üna!" - Listess, scha que's tratta da gös da computer u da consüm d'alcohol, la toleranza sociela da telas remarchas es ota ed il ris-ch vain suvenz scugnuschieu. Ün dossier tematic dad educaziun21 cun il titel 'Giodimaint u dependenza?' spordscha differents access per sclarir cun scolaras e scolars il process da las negoziaziuns traunter ün consüm controllo e per discuter in quist connex la respunsabilitad dal singul e da la societad.

[Dossier tematic 'Giodimaint u dependenza'](#)



Il soggiorn CORSOintensiv

Il modul CORSOintensiv da la Scoul'ota da pedagogia da San Galla chi düra 6 fin 10 eivnas es adatto per personas d'instrucziun chi sun in tschercha d'üna pussibilitad da soggiorn e chi vöglian as dedicher a lur management da se sves. In quist modul do que eir bger piazza per as recreer, rir e per imprender a cugnuscher robas novas. L'accumpagnamaint professiunel dals mneders dals cuors pussibiltescha novas idejas e novas perspectivas sülla situaziun professiunela e privata e rinforza la personalited.

[Infurmaziuns davart CORSOintensiv](#)



Register mezs d'instrucziun 2023/24

Il register dals mezs d'instrucziun vain approvo da la regenza e publicho minch'an. Cò sun numnos ils mezs d'instrucziun obligatorics ed arcumandos per las scoulas popu-leras dal Grischun.

[Register da mezs d'instrucziun GR 2023/24](#)



Mutaziun aint il inspectorat da scoula

A partir dals 1. schner 2024 surpiglia Philipp Hugentobler, chi lavura daspö il 2019 scu inspector da scoula i'l district Grischun Centrel, la direcziun da l'inspectorat chantunel dad Andrea Caviezel. Nus al gratulains cordielmaing per sia tschernal!

Cordiels salüds

Chantal Marti-Müller
Mnedra USS

Andrea Caviezel
Mneder inspectorat da scoula

Part regiunela

Termins

Data	Occurrenza	Adressos
29-03-2023	Accent tematic 2022/23: Valütaziun ill'instrucziun	PI annunzchedas
12-04-2023	Assegnaziun definitiva	6. cl./1 R
30/31-05-2023	Examen da recuors	6. cl./1 R
07-06-2023	Barat regiunel a Zernez in connex cull'EVA dal ram ERC	PI primara, tuots MS
13-06-2023	Occurrenza d'infurmaziun a Zernez Attenziun: ANNULLÀ	Tuots CS/MS
15-06-2023	Occurrenza d'infurmaziun a Samedan Attenziun: ANNULLÀ	Tuots CS/MS

Cordiels salüds

Inspectorat districtuel Engiadina-Val Müstair-Samignun
Bettina Salutt, Urs Kühne, Curdin Lansel

